

ՍԱԿՐԵՐԻ ՏԵՂԱՅՆԱՑՄԱՆ ՓՈՐՁ

Պատմ. գիտ. թեկնածու Ս. Ս. ԽՆԿԻԿՅԱՆ

Հայաստանի և ընդհանրապես Անդրկովկասի նախնադարյան ժամանակաշրջանի նյութական մշակույթի տեղայնացումը հնագիտության կարևոր հարցերից է: Դա բնական է. առանց պարզելու տվյալ մշակույթի տարածման շրջանակները՝ անհնար է բացահայտել այն ստեղծողների պատմական տեղն ու դերը: Սակայն երբ հուշարձանները խմբավորվում են ոչ միայն ըստ ժամանակի, այլև ըստ տարածության, հանդես է գալիս տվյալ մշակույթին որոշակի անվանում տալու անհրաժեշտություն: Դժբախտաբար այս հարցի վերաբերյալ դեռևս միասնական կարծիք գոյություն չունի: Նման իրավիճակը երևան է գալիս նաև սակրերի ուսումնասիրության ընթացքում: Բազմիցս անդրադառնալով սակրերի ժամանակագրական հետազոտությանը և այդ տեսանկյունից մատնանշելով նրանց ձևերում կատարված փոփոխությունները, ուսումնասիրողները դրանք տարբեր կերպ են անվանել¹ («անդրկովկասյան», «արևելաանդրկովկասյան», «քուռ-արաքսյան», «արևելավրացական», «կենտրոնաանդրկովկասյան»), որը և մատնանշում է նրանց տեղայնացված չլինելը: Նման իրավիճակը, թույլ չտալով հստակ պատկերացում կազմել առանձին օջախների սակրերին բնորոշ գծերի, առանձնահատկությունների վերաբերյալ, խոչընդոտում է նաև ընդհանրապես տեղայնացման հետ կապված հարցերի լուծմանը: Ճիշտ է, որոշ հետազոտողներ, նշելով հանդերձ սակրերի ժամանակագրական առանձնահատկությունները, ուշադրություն են դարձրել և այն հանգամանքին, որ դրանց չափերի մեջ կան տարբերություններ (օրինակ, նշվել է, որ «Հայաստանից հայտնաբերված սակրերը խոշոր են»²): Սակայն նման կարծիքը, մոթ թողնելով «խոշոր» և «փոքր» հասկացությունների միջև անցկացվող սահմանի ճշտումը, տարակուսանքի տեղիք է տալիս, քանի որ ՀՍՍՀ տարածքում քիչ չեն և փոքր չափեր ունեցող-

¹ Տե՛ս Ա. Ա. Иессен, К вопросу о древнейшей металлургии меди на Кавказе, Изв. ГАИМК, вып. 120, 1935; Б. А. Куфтин, Археологическая маршрутная экспедиция 1945 г. в Юго-Осетию и Имеретию, Тбилиси, 1949, стр. 2—4; А. А. Мартиросян, Армения в эпоху бронзы и раннего железа, Ереван, 1964, стр. 102—116; Д. Л. Коридзе, Археологические памятники Тбилиси, Тбилиси, 1958, стр. 97; К. К. Кушнарeva, Некоторые памятники эпохи поздней бронзы в Нагорном Карабахе, СА, XXVII, стр. 156—158; Т. С. Хачатрян, Орудия труда эпохи поздней бронзы и раннего железа Армении, ТГИМА, т. V, Ереван, 1959, стр. 242—246; С. А. Есаян, Оружие и военное дело древней Армении, Ереван, 1966, стр. 35—40; К. Н. Пицхелаури, Основные проблемы истории племен Восточной Грузии (автореферат), Тбилиси, 1972, стр. 94; Ս. Հ. Դեվեջյան, Տաշիր-Չորագետի ու ընդհանրապես մետաղագործության մի քանի հարցեր, ՀՍՍՀ ԳԱ «Լրաբեր» (հաս. գիտ.), 1968, № 8, էջ 72—81 և այլն:

² Т. С. Хачатрян, Материальная культура древнего Артика, Ереван, 1963, стр. 55.

ները³։ իրանք, սակայն, ամենևին էլ ներմուծված չեն կարող համարվել (եզրակացություն, որն անմիջապես բխում է նման սկզբունքով առաջնորդվելու դեպքում)։ Ինչպես կտեսնենք ստորև, Անդրկովկասի տարբեր վայրերից հայտնաբերված սակրերը իրարից տարբերվում են ոչ թե ընդհանուր մեծությամբ, այլ տարբեր մասերի միջև եղած համամասնություններով, ինչպես և որոշակի հատկանիշներով, որոնք ուշադրությունից վրիպում են դիտողական և նկարագրական ուսումնասիրության ժամանակ։ Այդ բոլոր համամասնությունների և հատկանիշների վերհանումը թույլ է տալիս բացահայտել տեղական օջախներին հատկանշական սակրերի առանձնահատկությունները։ Ձգտելով հնարավորին չափ շատ և օբյեկտիվ տվյալներ ստանալ, մենք նպատակահարմար ենք գտել հետազոտությունը վարել սակրերի համամասնությունների հաշվարկման և բոլոր հատկանիշների բացահայտման եղանակով, որն առաջին անգամ է կիրառվում սակրերի ուսումնասիրության ընթացքում։ Հնարավորություն տալով նախօրինակի բացակայության դեպքում օգտվել մասշտաբից զուրկ լուսանկարից (պայմանով, որ այն լրիվ պրոֆիլ լինի), այս մեթոդը օբյեկտիվ տվյալներ է տալիս սակրերի չափերի մասին։ Սա կարևոր է։ Անդրկովկասում հայտնաբերված սակրերը, պահվելով ՍՍՀՄ տարբեր քաղաքների թանգարաններում, հրատարակված են նաև մասշտաբից զուրկ լուսանկարներով, որը թույլ չի տալիս պատկերացում կազմել նրանց չափերի վերաբերյալ։ Հաշվի առնելով այս հանգամանքը՝ փորձել ենք սակրերի համամասնությունները բացահայտել իրը պայմանականորեն մասնատելու, երկրաչափական պարզ պատկերներ ստանալու եղանակով։ Վերջիններիս անկյունները, հասկանալի է, բոլոր դեպքերում հավասար լինելով (նախօրինակը և լուսանկարը) տալիս են նույն արդյունքները։ Ընդ որում ընտրված են այնպիսի անկյուններ, որոնց չափումները թույլ են տալիս պատկերացում կազմել աշխատաբերանի, կոթառի և սակրի ընդհանուր մեծությունն արտահայտող համամասնությունների վերաբերյալ։ Ինչպես երևում է № 1 նկարից, բոլոր հաշվարկները կատարված են առանցքային Ա—Բ գծի վրա կառուցված անկյունների չափման միջոցով։ Այստեղ $\angle \alpha_1$ բացահայտում է աշխատաբերանի լայնությունը, նրա թևիկների հեռավորությունը. $\angle \alpha_2$ -ը՝ աշխատաբերանի երկարությունը, $\angle \alpha_3$ -ը՝ սակրերի երկարությունը. $\angle \alpha_4$ -ը՝ կոթառի մեջքի լայնությունը. $\angle \alpha_5$ -ը՝ կոթառի ներքին մասի լայնությունը։

Համամասնություններից բացի, ինչպես նշվեց վերևում, հաշվի են առնվել նաև սակրերի բոլոր հատկանիշները, համարակալվելով հետևյալ կերպ։ I.—սրվող թևիկներով ավարտվող աշխատաբերաններ, II.—սեղմենտաձև աշխատաբերանով սակրեր, III.—կտրված թևիկներով աշխատաբերաններ, IV.—ներս թեքվող թևիկներով ավարտվող աշխատաբերաններ, V.—թևիկների արտաքին կողմից թեթևակի ներճկվածք ունեցող աշխատաբերաններ, VI.—հարթ մեջք ունեցող կոթառներ, VII.—մեջքի կենտրոնում ելուստ ունեցողներ, VIII.—սապատաձև կոթառներ, IX.—ատամնավոր մեջքով կոթառներ, X.—կոթառներ, որոնք ունեն Ու-ձև զարդ, XI.—Տ-աձև զարդ ունեցող

3 ՀՍՍՀ-ում հայտնաբերված սակրերի չափերը տատանվում են 14,5—19,5 սմ միջև։ Հիմնականում այդ սահմաններում են հանդես գալիս և ՎՍՍՀ ու Ադրբեջանական ՍՍՀ տարածքներից հայտնաբերվածները։

կոթառներ, XII.—III-աձև զարդով և XIII.—այլ զարդաձևեր ունեցող կոթառներ:


Այս եղանակով ուսումնասիրել ենք Անդրկովկասի տարբեր հուշարձաններից հայտնաբերված 97 սակր: Ստացված արդյունքներով կազմել ենք աղյուսակներ, որոնց հրատարակումը անհրաժեշտ չենք համարում տեքստի ավելորդ ծանրաբեռնվածությունից խուսափելու նպատակով: Այսուհանդերձ, սկզբունքը պարզ դարձնելու ցանկությամբ բերենք մի քանի օրինակ՝ այս կամ այն հատկանիշի առկայությունը նշելով պլյուս (+) նշանով:

№	Հայտնաբերման վայրը	Համամասնություններ					Հատկանիշներ											
		α_1	α_2	α_3	α_4	α_5	—	=	≡	≡	>	>	>	>	>	>	>	>
1	Լճաշեն	76	52	104	45	42		+						+				
2	Լենինական	70	55	105	60	54		+						+				
3	Ակներ	60	60	110	46	42			+							+		
4	Ալավերդի	64	58	103	45	40			+					+				
5	Ախթալա	64	58	106	54	45			+				+					+
6	Հուսաձոր	56	62	113	44	40	+						+					
7	Շիկահող	78	51	100	82	50			+		+		+					+
8	Քաջարան	78	51	105	66	42			+		+		+					+
9	Սառնաղբյուր	48	66	125	42	36	+								+			+
0	Առաջաձոր	72	54	104	58	44			+	+			+					
1	Կոթիգյուղ	66	57	107	50	42			+					+				+
2	Ջանգեղուր	76	52	100	35	33		+					+			+		
3	Գանթիաղի	72	54	98	59	52			+						+		+	
4	Վարդաշեն	48	66	120	46	40	+						+					+

Ստացված տվյալները կոորդինատային գրաֆիկների վրա տեղադրելով (α_1 , α_2 , α_3 , α_4 , α_5 մեծությունների համար) ստանում ենք հետաքրքիր արդյունքներ: Պարզվում է, որ Անդրկովկասի տարբեր հուշարձաններից հայտնաբերված սակրերը առանձնանում են՝ 1. աշխատաբերանների համամասնություններով. առկա են լայն (I խումբ— 72° — 86°), միջին (II խումբ— 60° — 71°) և նեղ (III խումբ— 45° — 59°) համամասնություններ ունեցող աշխատաբերաններ, 2. աշխատաբերանի՝ սակրի ընդհանուր մեծության հանդեպ ունեցած համամասնությամբ և 3. կոթառների վերին և ստորին մասերի միմյանց հանդեպ ունեցած հարաբերակցությամբ: Իրոք, որոշակիորեն խմբավորվում են մեջքի մասում լայն և ստորինում նեղ ($\alpha_4=56^\circ$ — 82° , $\alpha_5=38^\circ$ — 50° , տարբերությունը $\alpha_4-\alpha_5=18^\circ$ — 32°), լայն՝ գրեթե ուղղանկյունաձև ($\alpha_4=48^\circ$ — 61° , $\alpha_5=44^\circ$ — 55° , տարբերությունը $\alpha_4-\alpha_5=4^\circ$ — 6°) և նեղ ($\alpha_4=35^\circ$ — 52° , $\alpha_5=33^\circ$ — 44° , տարբերությունը $\alpha_4-\alpha_5=2^\circ$ — 8°) կոթառներ ունեցող սակրերը:

Նկատենք, որ խմբավորումների ընթացքում երևան է գալիս հետաքրքիր երևույթ: Հարցն այն է, որ որոշակիորեն նույն խմբերում դասվող (կայուն համամասնություններ ունեցող) սակրերի կողքին առկա են և այնպիսի նրմուշներ, որոնք իրենց համամասնություններով (աշխատաբերանի, կոթառի և այլն) տարբեր գրաֆիկներում տեղաշարժվում են, դասվում տարբեր խմբերում (զուրկ են կայուն համամասնություններից): Այս փաստը ցույց է տալիս, որ տեղական օջախները մեկուսացած չեն եղել, չեն ունեցել ցայտուն ար-

տահայտված սահմաններ, ուստի այս կամ այն հատկանիշը փոխանցվել է աննկատելիորեն: Այս երևույթը միաժամանակ մատնանշում է, որ յուրաքանչյուր տեղական օջախ կազմված է եղել միջուկից (կայուն համամասնություններով սակրեր) և այդ միջուկի շուրջը տարածվող, միջուկից աստիճանաբար հեռացող շրջաններից: Հետևաբար, նույն օջախի հակադիր ծայրամասերի սակրերը ունեն հարևան օջախների սակրերին բնորոշ համամասնու-



թյուններ և հանդես են գալիս իբրև հիբրիդային ձևեր: Այս երևույթը հանդիսանում է նաև հատկանիշների հետազոտության ժամանակ, այն վերապահություն, որ ասվածը վերաբերում է հետազոտվող ժամանակաշրջանի ուշ փուլի (մ. թ. ա. XI—IX դդ.) սակրերին: Ինչ վերաբերում է ուշ բրոնզի I փուլին պատկանողներին, ապա դրանք, հայտնաբերված լինելով Անդրկովկասի տարբեր շրջաններում, զուրկ են կայուն, բնորոշ համամասնություններից և չեն տեղայնացվում: Հետաքրքիր է այն հանգամանքը, որ նույն արդյունքներն են ստացվում նաև սակրերի հատկանիշների, ձևական առանձնահատկությունների քննության ընթացքում: Այսպես, Անդրկովկասի ուշ բրոնզի I փուլի սակրերը, շունենալով կայուն համամասնություններ, նման են միմյանց կոթառների գրեթե ուղղանկյունաձև և աշխատաբերանների սեգմենտաձև տեսքով: Հաշվի առնելով այս բոլորը, կարելի կլինի I փուլի սակրերը անվարան միավորել նույն խմբում, եթե կոթառի մեջքի ձևով էլ դրանք միանման լինեին: Սակայն դրանց կոթառների վրա առկա են տարբեր հատկանիշներ, որը և հարկադրում է դրանք խմբավորել առանձին տարբերակների մեջ:

I Տարբերակ.— լայն, գրեթե ուղղանկյունաձև անզարդ կոթառի մեջքի կենտրոնամասում փոքրիկ ելուստ կա, իսկ աշխատաբերանը սեգմենտաձև է:

Նման սակրեր հայտնաբերված են Լճաշենում (նկ. 21), Արթիկում⁴, Լենինականում, Լոռիքերդում⁵, Մինգեչաուրում (նկ. 23), իսկ Շամխորից հայտնի է նման սակրի կաղապար (նկ. 24)⁶: Հետևելով այս տարբերակի տարածման շրջանակներին, նկատում ենք, որ դրանք ընդգրկում են Ալավերդի-Հանքավանի և Շամխոր-Գետաբեկի պղնձահանքերով հարուստ օջախները:

II Տարբերակ.— տարբերվում է առաջինից ելուստի բացակայությամբ. իսկ կոթառի երկու երեսներին երբեմն հանդես է դալիս П-ձև զարդը: Աշխատաբերանները նույնպես սեգմենտաձև են: Այս տարբերակի սակրերը հայտնի են Լճաշենից (նկ. 25), Զանգեզուրից (նկ. 26), Կախեթից (նկ. 27)⁷: Հետևելով այս տարբերակի հայտնաբերման վայրերին, համոզվում ենք, որ այն նույնպես բնորոշ չէ պղնձահանքերից որևէ մեկին⁸:

III Տարբերակ.— ունի վեր բարձրացող ուսեր և մեջքի կենտրոնում փոքրիկ ելուստ: Այս մանրամասների շնորհիվ կոթառը ստանում է ատամնավոր տեսք: Աշխատաբերանը կիսաշրջանաձև է: Ներկա տվյալներով այս տարբերակի վաղ օրինակները հայտնի են Նավթլուղիի № 1 դամբարանից, Դիզոմիից, Քվեմո-Սասիրեթիից (նկ. 28), Քավթիսխեվիից, Մետեխից և թվագրվում են մ. թ. ա. XIII—XII դդ.: Նմանօրինակ սակր, մ. թ. ա. XI—X դդ. թվագրվող նյութերի հետ հայտնաբերված է Ցագերիում⁹: Հաշվի առնելով այս տարբերակի տարածման շրջանակները, Դ. Լ. Կորիձեն հնարավոր է համարում Շիրա-Քարթլին դիտել իբրև այս տարբերակի առաջացման կենտրոն¹⁰: Մենք հակված ենք ենթադրել, սակայն, որ այս տարբերակը ևս, ինչպես և նախորդ երկուսը, տարածված է եղել ողջ Անդրկովկասում: Նման ենթադրությունը հավանական է թվում և այն պատճառով, որ ՀՍՍՀ տարածքում բազմաթիվ են այս տարբերակի ավելի զարգացած նմուշները մ. թ. ա. XII—X դդ. թվագրվող հուշարձաններում, հանգամանք, որը խոսում է տեղական

⁴ А. О. Мнацаканян, Раскопки курганов на побережье оз. Севан в 1956 г., СА, 1957, № 2, стр. 148; Т. С. Хачатрян, Древняя культура Ширака, Ереван, 1957, стр. 182.

⁵ Նյութը հրատարակության է պատրաստում Ս. Հ. Դեվեջյանը:

⁶ Г. М. Асланов, Р. М. Ваидов, Г. И. Ионе, Древний Мингечаур, Баку, 1959, табл. XII; Jacob Hummel, Zur Archäologie Azerbeidžans, „Eurasia Septentrionalis Antiqua“, t. VIII, Helsinki, 1933, Abb. 29.

⁷ К. Н. Пицхелаури, Древняя культура племен, населявших территорию Иоро-Алазанского бассейна, Тбилиси, 1965, табл. XIII, рис. 4.


⁸ Դժբախտաբար Զանգեզուրից և Կախեթից հայտնաբերվածները պատահական են, որը խոչընդոտում է նրանց թվագրմանը: Այդ հանգամանքը առավել ցայտուն է դրսևորվում զանգեզուրյան նմուշի օրինակի վրա: Վերջինիս անձնագրում նշված է, որ այն հարթ տապարիկի, «մերձսևանյան» դաշտայնատեսակի և երկաթյա նիզակի հետ ՀՊՊԻ է նվիրվել Վահանյանի կողմից: Այլ մանրամասնություններ, այս ակնհայտորեն տարրեր ժամանակաշրջանի նյութեր պարունակող հավաքածուի վերաբերյալ, բացակայում են: Անհայտ է նույնիսկ սակրի հայտնաբերման վայրը: Այս իսկ պատճառով ենթադրում ենք, որ այդ սակրը, եթե նույնիսկ հայտնաբերված է թվարկված նյութերի հետ, անտարակույս վերապրուկային է: Ինչպես կտեսնենք ստորև, Զանգեզուրի մ. թ. ա. XI—IX դարերով թվագրվող նմուշները զգալիորեն տարբերվում են այս սակրից:

⁹ Д. Л. Коридзе, К истории Колхской культуры, Тбилиси, 1965; Д. Л. Коридзе, Позднебронзовые археологические памятники из Тбилиси (Навтлуги), «Вестник Музея Грузии» (ВМГ), т. XVIII-Б, Тбилиси, 1954.

¹⁰ Д. Л. Коридзе, Археологические памятники Тбилиси, стр. 97.

արմատներ ունենալու օգտին: Վերջապես ուշագրավ է և այն, որ ուշ բրոնզի I փուլում, ինչպես մատնանշում է Կ. Ն. Պիցխելաուրին, կենտրոնաանդրկովկասյան մշակույթում տեղական օջախները դեռևս չեն նկատվում¹¹: Հետևաբար, Շիրա-Քարթլին դիտել իբրև առանձնացված օջախ, որն իր ճաշակն ու արտադրանքն էր պարտադրում հարևան շրջաններին, համոզեցուցիչ չէ:

Հանրագումարի բերելով ուշ բրոնզի I փուլի սակրերի հետազոտությունների արդյունքները, նկատում ենք, որ նրանք, ունենալով վերջնականապես կազմավորված տեսք, համամասնություններով և հատկանիշներով որևէ տա-



րածքում չեն տեղայնացվում: Այս հանգամանքը թույլ է տալիս համաձայնվել Կ. Ն. Պիցխելաուրիի այն կարծիքի հետ, համաձայն որի ուշ բրոնզի I փուլում կենտրոնական Անդրկովկասի տարածքում առկա է մեկ միասնական մշակույթ¹²: Սակայն, ի տարբերություն Կ. Ն. Պիցխելաուրիի, կարծում ենք, որ այդ մշակույթի հարավային սահմանը անցնում էր ոչ թե Արաքս գետից փոքր-ինչ հյուսիս ընկած տարածքով, այլ Արաքս գետով, հավանական է՝ ավելի հարավով: Դժբախտաբար այդ տարածությունները դեռևս հետազոտված չեն և հետևաբար առկա նյութի հիման վրա հնարավոր չէ պարզել այս հզոր մշակույթի հարավային և հարավ-արևմտյան սահմանները:

Շարունակելով սակրերի հետազոտությունը, նշենք, որ հետագա զարգացման ընթացքում դրանք հանդես են գալիս արդեն տեղական օջախներին բնորոշ հատկանիշներով, որը թույլ է տալիս վերջիններս խմբավորել օջախներին հատուկ ենթատեսակներում:

I ենթատեսակ. — հիմնականում ունեն աշխատաբերանի ($\alpha_1 = 60^\circ - 71^\circ$) և կոթառի ($\alpha_4 = 48^\circ - 61^\circ$, $\alpha_5 = 44^\circ - 55^\circ$) միջին համամասնություններ: Այս

¹¹ К. Н. Пицхелаури, Основные проблемы..., стр. 89.

¹² Նույն տեղում, էջ 89:

սակրերի մի մասը կոթառի կենտրոնում ելուստ ունի (I տարբերակ), մյուսների մոտ այն բացակայում է (II տարբերակ), իսկ երրորդների մեջքը ատամնաձև է (III տարբերակ), որը և մատնանշում է այդ հատկանիշների բնորոշ չիհնելը տեղական օջախների համար: Սակայն այս ենթատեսակի սակրերը մյուս մանրամասներում միանման են: Այդ ընդհանրությունը երևան է դալիս աշխատաբերանի կիսաշրջանաձև տեսքի մեջ: Ավարտվելով ուղիղ կտրած թևիկներով (IV հատկանիշ), աշխատաբերանը վզիկի միջոցով միանում է Մ կամ T-աձև զարդ ունեցող լայն, գրեթե ուղղանկյունաձև կոթառին: Այս ենթատեսակի սակրերը հայտնի են Ախթալայից, Ալավերդուց (մ. թ. ա. XII—XI դդ.), Խաչատրակից, Այրումից, Վարդաբարից (նկ. 29), Բազմադբյուրից և թվագրվում են մ. թ. ա. XI դարի վերջով—X դարով¹³: Մ. թ. ա. II հազարամյակի վերջով և I հազարամյակի սկզբով են թվագրվում նաև Սարիթեփից, Դաշ-Սալախիից (նկ. 210) և Նուգգերից¹⁴ հայտնաբերված սակրերը: Այս ենթատեսակին պատկանող (այսինքն I ենթատեսակ, I տարբերակ) սակրերից վերջինը հայտնի է Մեխչիս-Ցիխեից¹⁵: Մ. թ. ա. X—VIII դդ. թվագրվող այս նմուշը (այն հայտնաբերվել է կողքիսյան մշակույթին պատկանող նյութերի հետ) ամենայն հավանականությամբ արտահանվել է Ալավերդու արտադրական կենտրոնից, որտեղ և հիմնականում խմբավորված են այդ սակրերը: Այս շրջանում են տեղայնացվում նաև սապատավոր կոթառով սակրերը: Վերջիններս գտնվել են Ենոքավանում, Ախթալայում (նկ. 211), Կողբում, Կոթիգյուղում, Նոյեմբերյանում (նկ. 212)¹⁶ և Ախալքալակում (նկ. 213): Այս սակրերից կոթառի ձևով չի տարբերվում Կողքիսյան հայտնաբերվածը, որի աշխատաբերանը, չնայած նույնպես ավարտվում է ուղիղ կտրած թևիկներով, բայց ընդհանուր ձևով ավելի շուտ կիսված էլիպս է հիշեցնում, որը բնորոշ է ՀՍՍՀ-ում հայտնաբերված սակրերի համար: Նման ձև ունեն նաև Սամտավրոյի № 591 դամբարանում և Դիզոմիում¹⁷ հայտնաբերվածների աշխատաբերանները, որը վկայում է նրանց տեղական արտադրանք լինելը: Աշխատաբերանի ու կոթառի ձևերով և համամասնություններով ՀՍՍՀ տարածքում հայտնաբերվածներին են կրկնում Ալավերդում, Ախթալայում (նկ. 214), Ակներում, Ստեփանավանում¹⁸, Մեղրաձորում, Կիրովականում, Ցիխիվալիում (նկ. 215) գտնվածները, որոնց կոթառները, սակայն, ատամ-

¹³ А. А. Мартиросян, *նշվ. աշխ.*, էջ 102—133. Т. С. Хачатрян, Комплекс бронзовых предметов из сел. Вардакар, *ՀՍՍՀ ԴԱ «Տեղեկագիր» (Հաս. գիտ.)*, 1961, № 3; А. А. Мартиросян, Т. С. Хачатрян, Комплекс бронзовых изделий из селения Такна (Агвесацзор), *ՀՍՍՀ ԴԱ «Տեղեկագիր» (Հաս. գիտ.)*, 1959, № 11—12.

¹⁴ М. А. Кашкай, И. Р. Селимханов, Из истории древней металлургии Кавказа, Баку, 1973.

¹⁵ Д. Л. Коридзе, К истории..., табл. X; St. Przeworski, Die Metallindustrie Anatoliens in der Zeit von 1500—700 vor Chr., Leiden, 1935, Taf. III, Abb. 5.

¹⁶ С. А. Есаян, Древняя культура племен северо-восточной Армении, Ереван, 1976, стр. 103—111.

¹⁷ Նյութը հրատարակված չէ:

¹⁸ ОАК, т. IV, 1894 г.: М. Е. Сагатов, Археологические находки в урочище Джелаль-Оглы, «Изв. Кавказского отд. Московского археологического общества», вып. I, Тифлиς, 1904, рис. 5.

նաձև են (III տարբերակ): նման սակրի մոդել հայտնի է Աշաբեթից¹⁹, իսկ նաբուցվեբեիում հայտնաբերվածը ձևով ու զարդանախշով ավելի շուտ Ալավերդու արտադրական օջախի սակրերի իմիտացիան կարող է լինել: Այս ենթատեսակին պատկանող սակրերի կադապարներ ներկայումս հայտնի են Լեւինականից (նկ. 216)²⁰ և Գանթիադից (նկ. 217)²¹, որը և թույլ է տալիս համաձայնել այն հետազոտողների հետ (Գ. Բ. Ավալիշվիլի), որոնք Քվեմո-Քարթլիի նյութերի զուգահեռները տեսնում են ՀՍՍՀ նշված տարածքում²²: Այս օջախի արևելյան սահմանը ամենայն հավանականությամբ անցել է Ղազախի տարածքով, քանի որ Ղազախից արևելք, ինչպես կտեսնենք ստորև, տարածվում են այլ ենթատեսակի սակրեր: Հաշվի առնելով նմանօրինակ սակրերի տարածման փաստը Լոռիում և Թրիալեթիում, հարմար ենք գտնում այդ օջախը պայմանականորեն անվանել Լոռի-Թրիալեթյան²³:

II ենթատեսակ. — տարբերվում է առաջինից լայն աշխատաբերանով ($\alpha_1 = 72^\circ - 83^\circ$) ու կոթառի ձևով ($\alpha_4 = 56^\circ - 82^\circ$, $\alpha_5 = 38^\circ - 50^\circ$): Վերջինս, որ ունի լայն մեջք, ստորին մասում նեղանում է (տատանումը $\alpha_4 - \alpha_5$ միջև կազմում է $18^\circ - 32^\circ$): Այս ենթատեսակի սակրերը հիմնականում տարածված են Զանգեզուր-Ղարաբաղում: Նկատենք, որ I և II ենթատեսակների սակրերի տարբերություններն առկա են նաև հատկանիշներում: Բրոք, ենթատեսակի ուղիղ կտրած թևիկներով ավարտվող աշխատաբերանները արտաքինից փոքր-ինչ ներճկված (V հատկանիշ) տեսք ունեն, իսկ թևիկների վրա կան ուռուցիկ նետաձև զարդանախշեր: Ինչ վերաբերում է կոթառին, ապա այն մի կողմից ունի V-աձև, մյուսից՝ սանրաձև ուռուցիկ զարդանախշ: Այս ենթատեսակի սակրեր հայտնաբերվել են Շիկահողում (նկ. 218) և Քաջարանում (նկ. 219): Ճավոք, այս նմուշները պատահական գյուտեր են, որը և դժվարացնում է նրանց ստույգ թվագրման հարցը: Այսուհանդերձ, համանման ձևեր ունեցող սակրերի առկայությունը Ղարաբաղում, որոնք հայտնաբերված են մ. թ. ա. I հազ. սկզբով թվագրվող նյութերի հետ, թույլ է տալիս զանգեզուրյան նրմուշների համար առաջարկել նույն ժամանակաշրջանը: Նկատենք, սակայն, որ Ղարաբաղում հայտնաբերված սակրերը, չնայած կոթառի ձևով կրկնում են զանգեզուրյան նմուշներին, բայց աշխատաբերանի տեսքով տարբերվում են նրանցից: Վերջիններիս աշխատաբերանը մի դեպքում ավարտվում է ներս թեքվող թևիկներով (IV հատկանիշ), մյուսում՝ չի տարբերվում Լոռի-Թրիալեթյաններից, որը և հարկադրում է խմբավորել դրանք առանձին՝ III ենթատեսակի մեջ: Մեր կարծիքով աշխատաբերանի այս ձևի նախադրյալներն արդեն առկա էին ուշ բրոնզի I փուլում: Դրա ապացույցը կարող է հան-

19 Б. А. Куфтин, К вопросу о древнейших корнях грузинской культуры на Кавказе по данным археологии, ВМГ, т. XII-Б, Тбилиси, 1944.

20 А. Калантар, Открытие дохалдского поселения близ Ленинакана, «Проблемы истории докапиталистических обществ», № 9—10, 1934, стр. 166—168.

21 Г. Б. Авалшвили, Погребение литейщика из могильника сел. Гантиади, СА, 1970, № 4, стр. 186.

22 Տե՛ս Կ. Ն. Սնիցկելաուրի, Основные проблемы..., стр. 32.

23 Այս ենթատեսակում են դասվում նրանում (ՀՊՊԹ, գույք № 156) և Դվինում (տե՛ս Կ. Մ. Կոստանյան, Древнейшие памятники Двина, Ереван, 1977, рис. 49) հայտնաբերվածները, որոնք աշխատաբերանի ձևով ու համամասնություններով կրկնում են վերոհիշյալներին ($\alpha_1 = 70^\circ$, 64°): Դժբախտաբար սրանք կոթառներ չունեն:

դիսանալ լճաշենյան նմուշը (նկ. 21), որն աշխատաբերանին հատուկ համա-
մասնությունների շնորհիվ ընկնում է III խմբի մեջ (նեղ աշխատաբերան)։
Տարբերությունն այն է, որ Առաջածորում (նկ. 220) և Քիրքիրջանում (նկ. 221)²⁴
հայտնաբերված սակրերի վրա այդ հատկանիշը երևան է գալիս վերջնակա-
նապես ձևավորված տեսքով։ Սակայն այս փաստը ամենևին էլ չի նշանակում,
թե նշված հատկանիշը (IV) բնորոշ է միայն դարաբաղյան սակրերին։ Ուշա-
գրավ է, որ այդ հատկանիշը բնորոշ է հանլար-Գետաբեկի շրջանում տարած-
վածներին, որը և խոսում է, ինչպես արդեն նշվեց վերևում, միջակա շրջան-
ների արտադրանքի վրա երկու հարևան օջախների ազդեցության առկայու-
թյան փաստի մասին։ Հետևաբար, Ղարաբաղի տարածքը, սակրերի հետա-
զոտման օրինակով, հանդես է գալիս իբրև անցումային, միջակա շրջան, որ-
տեղ միաձուլվել են երկու օջախների «ձեռագրերը», ճաշակները։

Զանգեզուրյան օջախի հզորությունն են վկայում նաև Անդրկովկասի այլ
վայրերում հայտնաբերված մի քանի սակրեր։ Այս տեսանկյունից հարկ է
նշել Քիրքիրջանում (նկ. 222) և Մինգեչաուրում (նկ. 223) հայտնաբերված-
ները, որոնք աշխատաբերանների ձևերով կրկնելով լոռի-թրիալեթյաններին,
կոթառների մանրամասներով կրկնում են զանգեզուր-ղարաբաղյաններին։
Հաշվի առնելով նշված առանձնահատկությունները, այդ օրինակները դասում
ենք IV ենթատեսակի մեջ։ Նման սակր, բայց կոթառի որոշակի անհամամաս-
նությամբ, հայտնի է Պերեիից (նկ. 223) և թվագրվում է մ. թ. ա. X—VIII դդ.։
Այս նմուշի համամասնությունները, ձևն ու զարդանախշը, ինչպես կտեսնենք
ստորև, բնորոշ չեն ՎՍՍՀ տարածքում հայտնաբերվածներին, բայց, միաժա-
մանակ, կոթառի անհամաչափ տեսքով այն տարբերվում է նաև Հարավային
Անդրկովկասին բնորոշներից։ Հաշվի առնելով նշված առանձնահատկույուն-
ները, ենթադրում ենք, որ այս նմուշը պատրաստվել է տեղում, սակայն կրում
է դրսից եկած ազդեցություն։ Ահա թե ինչու այն սոսկ պայմանականորեն ենք
դասում IV ենթատեսակում։ Կարծում ենք, որ զանգեզուրյան օջախի ազդեցու-
թյունը երևան է գալիս նաև Ադրբեջանական ՍՍՀ հյուսիսային շրջաններում և
Դաղստանում։ Այս դեպքում չպետք է շփոթեցնի տարածքների հեռավորու-
թյունն ու ազդեցությունների հնարավորությունը։ Դեռևս «մ. թ. ա. III հազա-
րամյակի II և մ. թ. ա. II հազարամյակի I կեսին Արևելյան Եվրոպայի տա-
փաստանների լայնարձակ տարածությունների մշակույթում նկատվում է մե-
տաղի որոշակի ազդյունների կայունացում։ Այս տեսակետից առաջատար տեղ
է գրավում Կովկասը (հատկապես Ղափանի պղնձահանքերը—Օ. Խ.), որը...
որպես մետաղագործական կենտրոն հզորության գագաթնակետին է հասնում
մ. թ. ա. II հազարամյակի I կեսին և միայն մ. թ. ա. II հազարամյակի կեսե-
րից... նվազում է կովկասյան մետաղի տիրապետությունը»²⁵։

Զանգեզուրյան օջախից եկող ազդեցության մասին են վկայում Մեշրիֆում
և Դերբենդում²⁶ հայտնաբերված սակրերի կոթառների ձևերը։ Վերջինների մեջ-

²⁴ К. Х. Кушнарёва, Некоторые памятники..., рис. 2, 19; Я. И. Гуммель, Раскопки в Нагорно-Карабахской автономной области в 1938 г., «Изв. Аз. ФАН», 1939, № 4, стр. 77—78.

²⁵ Е. Н. Черных, История древнейшей металлургии Восточной Европы. М., 1966, стр. 44, 72.

²⁶ В. Г. Котович, М. В. Котович, Находки древних бронзовых топоров в Дагестане, «Кавказ и Восточная Европа в древности», М., 1973, стр. 77—83, рис. 33.

քը լայն է ($\alpha_4 - \alpha_5 = 17^\circ - 29^\circ$), իսկ մակերեսների վրա առկա է սանրածեղ զարդանախշը: Ավելին, մեշրիֆյան նմուշի աշխատաբերանին տեսնում ենք նետածեղ զարդը: Նորը՝ բնորոշ միայն այդ սակրերի համար, վզիկի բացակայությունն է, որը և մատնանշում է դրանց տեղական արտադրանք լինելը: Ինչ վերաբերում է աշխատաբերանների ձևերին, ապա մեշրիֆյան նմուշը հակվում է դեպի Արևելյան վրաստանին հատկանշական սակրերը (խիստ ցած ձգված և նեղ), բայց ունի ուղիղ կտրած թևիկներ (նկ. 224), իսկ դերբենդյան նմուշի աշխատաբերանը կիսաշրջանաձև է (նկ. 225): Այս սակրերը դասում ենք V ենթատեսակի մեջ:

VI ենթատեսակին պատկանող սակրերի աշխատաբերանները զուրկ են կայուն համամասնություններից, որովհետև ավարտվում են աստիճանաբար ներս թեքվող թևիկներով: Այսուհանդերձ, այս սակրերը տարբերվում են դարբաղյան նմուշներից կոթառի ձևով, որով ավելի շուտ նրանք կրկնում են լոռի-թրիալեթյաններին: Այս ենթատեսակի սակրեր հայտնի են Խանլարից (նկ. 226), Խաչբուլաղից (աշխատաբերանը կազմում է շրջանի գրեթե $2/3$ մասը), Դաշ-Սալախլիից (նկ. 227), Քիրքիջանից (նկ. 228) և թվագրվում են մ. թ. ա. II հազարամյակի վերջով և I հազարամյակի սկզբով²⁷: Այս սակրերը տեղայնացվում են Խանլար-Գետաբեկի շրջանում:

Մ. թ. ա. XI—IX դդ. են թվագրվում նաև VII ենթատեսակին պատկանող սակրերը, որոնք նախորդներից տարբերվում են աշխատաբերանի նեղ և ձգված համամասնություններով ($\alpha_1 = 46^\circ - 59^\circ$): Ավարտվելով սուր թևիկներով (Հարավային Անդրկովկասի ու ժամանակաշրջանի սակրերին ոչ բնորոշ հատկանիշ), վերջինս բարձր վզիկի միջոցով միանում է նեղ կոթառին ($\alpha_4 = 35^\circ - 52^\circ$, $\alpha_5 = 35^\circ - 44^\circ$), որն ունի II կամ III-աձև ուռուցիկ զարդանախշ: Հայաստանում, ներկա տվյալներով, այս ենթատեսակի սակր հայտնի է Լուսաձորից (նկ. 229), որը ցույց է տալիս, որ այն Հարավային Անդրկովկասին բնորոշ չէ: Իրոք, այս ենթատեսակին պատկանող սակրեր հայտնի են Ախալքալակից (նկ. 230-31), Յիսինվալիից, Ջեղա-Սիմոնեթիից, Ջիսկվտայից (նկ. 232), Ալիից, Ատենիից, Լաշոբիսձորիից, Օխուրեշիից, Ջարիից, Գրոմիից, Բեժատուբանից²⁸, իսկ կաղապար՝ Յիսինվալիի մոտ գտնվող Նաջարգորա վայրից: Նման սակրի մոդել հայտնաբերվել է Վարդաշեն գյուղում (նկ. 233)²⁹: Ինչպես տեսնում ենք, այս ենթատեսակի սակրերը հիմնականում տարածված են ինչպես Կախեթում, այնպես էլ Շիրա-Քարթլիում և Հարավային Օսեթիայում, որը ուշ

Г. Д. Агаев, В. А. Квачидзе, Клад бронзовых топоров из селения Мешриф, «Археологические открытия 1973 г.», (АО), М., 1974, стр. 442—443.

27 М. А. Кашкай, И. Р. Селимханов, *ևլվ. աշխ.*: Я. И. Гуммель. Погребальный курган (№ 1) около Еленендорфа, «Изв. Аз. ГНИИ», Баку, 1931.

28 ՎՍՍՀ տարածքից հայտնաբերված սակրերի մասին տե՛ս Կ. Խ. Դիմիտրաքի, Локализация археологических культур на территории Восточной Грузии, «Труды Кахетской археологической экспедиции», Тбилиси, 1969, նմանորինակ սակրեր 1976 թ. մեծ քանակությամբ հայտնաբերվել են Շիրվանում: Այդ մասին մեզ տեղեկացրել է Կ. Ն. Պից-խուրադի, որի համար ջնոթհակալություն ենք հայտնում:

29 Տե՛ս Դ. Լ. Կորիձե, К истории..., табл. XIV, XV; Б. В. Техов, К истории изучения памятников энеолита и бронзы в нижнем течении реки Большой Лиави, Тбилиси, 1963; Н. Н. Тушишвили, Маднисчальский могильник, Тбилиси, 1972.

10 Հանդես, № 1

բրոնզի վերջում հանդես է եկել իբրև կախեթյան մշակույթի տեղական օջախ: Վերջինիս սահմանները հյուսիսում «...անցել են Կովկասյան լեռնաշղթայի նախալեռնային գոտիով, արևմուտքում՝ Սուրամի լեռնաշղթայի արևելյան մասով, արևելքում՝ Արագվի գետով, իսկ հարավում՝ Բեշտաշեն-Մագնիսչալա գծով»³⁰:

Համամասնություններով այս ենթատեսակի մեջ է դասվում, որքան էլ այդ տարօրինակ է, Սառնաղբյուրում հայտնաբերվածը (նկ. ~³⁴¹³¹), որը կոթառի ձևով պատկանում է III տարբերակին: Այս սակրի համամասնությունները բնորոշ չեն ՀՍՍՀ տարածքում հայտնաբերվածների համար, որը և ստիպում է նշված նմուշները (Լուսաձոր և Սառնաղբյուր) դիտել իբրև ներմուծված կամ դրսից եկող ազդեցությամբ տեղում պատրաստված: Դա լավագույնս փաստարկվում է ոչ միայն համամասնություններով, այլև աշխատաբերանի զարդանախշով (Սառնաղբյուրի նմուշ), որը բնորոշ է միայն կողքիս-կոբանյան մշակույթին:

Սակրերի հետազոտությունների արդյունքները հանրագումարի բերելով հանգում ենք հետևյալին.

ա. Անդրկովկասի տարբեր վայրերում հայտնաբերված կամ պատահական գյուտեր հանդիսացող ուշ բրոնզի I փուլին պատկանող, ներկայումս դեռ սակավաթիվ սակրերը, զուրկ լինելով տարբեր մասերի կայուն համամասնություններից, ինչպես և տեղական բնորոշ հատկանիշներից, չեն տեղայնացվում:

բ. Հետագա զարգացման ընթացքում, կենտրոնաանդրկովկասյան մշակույթի տարանջատման հետևանքով, հանդես են գալիս ազգակից մշակութային ենթաշրջաններ (ընդունում ենք Ա. Ա. Իեսսենի կողմից առաջարկված տերմինը): Դրանցից հարավայինը ընդգրկել է Կուր-Արաքսի միջագետքը³²:

Վերջինիս բաղկացուցիչ մասերն են հանդիսացել.

1. Լոռի-Թրիալեթյան օջախ.— հիմնականում տարածված են եղել միջին համամասնությամբ սակրերը: Կիսաշրջանաձև տեսքով աշխատաբերաններն ավարտվում են ուղիղ կտրած թևիկներով:

2. Զանգեզուրյան օջախ.— բնորոշ են խոշոր համամասնություններով սակրերը: Հատկանշական են արտաքինից թեթևակի ներձկվածքով աշխատաբերանները և լայն մեջք ունեցող կոթառները:

3. Խանլար-Գետաբեկյան օջախ.— աշխատաբերանի առանձնահատուկ ձևի պատճառով (ներս թեքվող թևիկներ) զուրկ են կայուն համամասնություններից:

Թվարկված օջախները սերտորեն կապված են եղել միմյանց հետ, որի հետևանքով հանդես եկած միջակա օղակներում հանդիպում են երկու հարևան օջախներին բնորոշ հատկանիշներով օժտված «հիբրիդային» բնույթ ունեցող սակրեր:

³⁰ К. Н. Пицхелаури, Основные проблемы..., стр. 106.

³¹ Նյութը հրատարակության համար մեղ է տրամադրել Կ. Կ. Ղաֆազարյանը, որի համար շնորհակալություն ենք հայտնում:

³² Հաշվի են առնված և մյուս նյութերի ուսումնասիրությունների արդյունքները:

ОПЫТ ЛОКАЛИЗАЦИИ СЕКИР

Кандидат историч. наук О. С. ХНКИКЯН

(Резюме)

Секиры, широко распространенные на территории Закавказья, были одним из ведущих типов оружия и орудий труда в эпоху поздней бронзы и раннего железа. Вопрос их локализации остается нерешенным, что не позволяет составить представление о характерных чертах и особенностях секир, принадлежащих отдельным локальным очагам. Учет всех признаков секир, а также пропорций лопастей, обухов и других деталей дает следующие результаты. Секиры I периода позднебронзовой эпохи, не обладая характерными пропорциями и локально-морфологическими особенностями, по имеющимся в настоящее время материалам не локализуются (рис. 2₁₋₈). В дальнейшем, вследствие раздробления единой Центральнороссийской культуры, возникают родственные друг другу «культурные подрайоны» (термин А. А. Иессена). Южный культурный подрайон охватывал территорию Куроравского междуречья. В его состав входили:

1) Лори-Триалетский локальный очаг— в основном были распространены секиры со средними пропорциями лопастей ($\alpha_1=60^\circ-71^\circ$) и обухов ($\alpha_4=48^\circ-61^\circ$, $\alpha_5=44^\circ-55^\circ$). Лопасты этих секир полукруглые с прямосрезанными крылышками (рис. 2₉₋₁₇).

2) Зангезурский локальный очаг— распространены секиры с большими пропорциями лопастей ($\alpha_1=72^\circ-82^\circ$). Отличаются от первых также формой обуха ($\alpha_4=56^\circ-82^\circ$, $\alpha_5=38^\circ-50^\circ$), который имеет широкую спинку и суживается в нижней части (в интервале $18^\circ-32^\circ$). Концы прямосрезанных крыльев лопасти секир этой разновидности с боковых сторон чуть вогнуты (рис. 2₁₈₋₁₉).

3) Ханлар-Кедабекский локальный очаг— секиры этого очага ввиду специфики формы лопасти (в основном с постепенно закругляющимися концами) не имеют стабильных пропорций. По форме обуха они повторяют секиры Лори-Триалетского очага (рис. 2₂₆₋₂₈).

Перечисленные локальные очаги как отдельные звенья одного и того же культурного подрайона были тесно связаны друг с другом, вследствие чего наблюдается интерференция пропорций и признаков секир, на смежных территориях встречаются «гибридные» формы.

Секиры, распространенные в Восточной Грузии, в основном отличаются опущенной узкой лопастью ($\alpha_1=46^\circ-59^\circ$), которая при помощи высокой узкой шейки соединена с узким прямоугольным обухом ($\alpha_4=35^\circ-52^\circ$, $\alpha_5=33^\circ-44^\circ$, рис. 2₃₀₋₃₃). Вместе с тем встречаются секиры (Дигоми, Кодисцкаро, Самтавро и др.) с эллипсовидной лопастью, нехарактерные для Армении.